



CRNA GORA
OSNOVNO DRŽAVNO TUŽILAŠTVO-ROŽAJE
Kt. br. 100/26
Rožaje, 16. jul 2026. godine
HĆ/SM

Državni tužilac u Osnovnom državnom tužilaštvu u Rožajama, Haris Ćeman, u krivičnom predmetu protiv osumnjičenog A.N iz Rožaja, zbog krivičnog djela napad na službeno lice u vršenju službene dužnosti iz čl. 376. st. 1. Krivičnog zakonika Crne Gore, odlučujući po zahtjevu za naknadu troškova advokata Mersudina Dautovića iz Rožaja, postavljenog po službenoj dužnosti osumnjičenom, dana 16.07.2026. godine, donio je:

R J E Š E N J E

Advokatu **Mersudinu Dautoviću** iz Rožaja, koji je postavljen po službenoj dužnosti osumnjičenom A.N iz Rožaja, zbog krivičnog djela napad na službeno lice u vršenju službene dužnosti iz čl. 376. st. 1. Krivičnog zakonika Crne Gore, određuje se nagrada na ime troškova u iznosu od **500,00 Eura**.

Nagrada se ima isplatiti iz budžetskih sredstava namijenjenih za troškove krivičnog postupka.

O b r a z l o ž e n j e

Advokat Mersudin Dautović iz Rožaja, postavljen je po službenoj dužnosti rješenjem ovog tužilaštva Kt. br. 100/26 od 18.06.2026. godine, osumnjičenom A.N iz Rožaja, zbog krivičnog djela napad na službeno lice u vršenju službene dužnosti iz čl. 376. st. 1. Krivičnog zakonika Crne Gore.

Advokat je dana 26.06.2026. godine, podnio zahtjev za nagradu i naknadu troškova i to: na ime sastava i pisanja žalbe na rješenje ODT-a Rožaje o zadržavanju osumnjičenog Kt. br. 100/26 od 18.06.2026. godine, u iznosu od 400,00 Eura, na ime prisustva saslušanju svjedoka – oštećenih dana 19.06.2026. godine, u iznosu od 200,00 Eura, na ime prisustva saslušanju svjedoka – oštećenih dana 20.06.2026. godine, (uz uvećanje od 100% za obavezan rad subotom) u iznosu od 400,00 Eura, što ukupno iznosi 1.000,00 Eura, odnosno za isplatu 500,00 Eura, umanjeno za 50% od iznosa utvrđenog Advokatskom tarifom, shodno čl. 1. Odluke o visini naknade za rad advokata za odbrane po službenoj dužnosti.

Imajući u vidu troškovnik advokata Mersudina Dautovića iz Rožaja i radnje koje je isti preduzimao u navedenom predmetu, to je istom priznata nagrada i to: na ime sastava i pisanja žalbe na rješenje ODT-a Rožaje o zadržavanju osumnjičenog Kt. br. 100/26 od 18.06.2026. godine, u iznosu od 400,00 Eura, na ime prisustva saslušanju svjedoka – oštećene M.P dana 19.06.2026. godine, u iznosu od 200,00 Eura, na ime prisustva saslušanju svjedoka – oštećenih M.P i A.L dana 20.06.2026. godine, uz uvećanje od 100% za obavezan rad subotom, u iznosu od 400,00 Eura, što ukupno iznosi 1.000,00 Eura, odnosno za isplatu 500,00 Eura, umanjeno za 50% od iznosa utvrđenog Advokatskom tarifom, shodno čl. 1. Odluke o visini naknade za rad advokata za odbrane po službenoj dužnosti.

Naime, u toku saslušanja svjedoka - oštećene M.P dana 19.06.2026. godine, u zgradi ODT-a Rožaje, došlo je do nestanka električne energije, te se iz objektivnih razloga saslušanje iste moralo nastaviti sutradan tj. dana 20.06.2026. godine, (subota), kao i saslušanje drugog svjedoka – oštećenog A.L, a kojim saslušanima je prisustvovao i branilac po službenoj dužnosti Mersudin Dautović advokat iz Rožaja, te mu je iz tog razloga priznata nagrada u gore navedenom iznosu.

Sa izloženog, a na osnovu čl. 226. st. 2. tačka 7. i stav 4. Zakonika o krivičnom postupku, odlučeno je kao i dispozitivu ovog rješenja.

Isplatu izvršiti na žiro račun advokata Mersudina Dautovića br. **535-22003-30** koji se vodi kod Prve banke Crne Gore, a matični broj advokata je **JMB ...**

DRŽAVNI TUŽILAC
Haris Ćeman

PRAVNA POUKA: Protiv ovog rješenja može se izjaviti žalba u roku od 3 (tri) dana, sudiji za istragu Osnovnog suda u Rožajama.